



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. Lvcæ Pinelli Societatis Iesv Theologi, De Virtute Sev  
Energia, & admirandis Sacrosanctæ Missæ effectibus,  
Libri Duo**

**Pinelli, Luca**

**Coloniæ, Anno M.D.CVIII.**

XX. De obligatione, qua singuli ad audiendam Missam diebus festis  
obstringuntur.

[urn:nbn:de:hbz:466:1-46295](https://nbn-resolving.org/urn:nbn:de:hbz:466:1-46295)

rat aliquis : quòd si is respondere non calleat , rectene poterit Sacerdos celebrans Ministro verba , quibus vti debet in responsione suggerere ? Respondeo id satius esse , quàm citra Ministrum celebrare .

Octauò quæritur : Si propter aduentum alicuius publicè & nominatim excommunicati omnes audientes Missam secedant , quemadmodum dicitur C. 25. obligatusne etiã Minister erit discedere , ne videlicet cum ipso in diuinis cõmunicet ? Respondeo , non esse obligatum , sed manere posse , tanquam cuius opera necessaria sit ad perficiendum Sacrificium , vti dictum est , Cap. 11 .

*De obligatione , qua singuli ad audiendam Missam diebus festis obstringuntur .*

C A P . XX .

**P**Ræcepti esse in Ecclesia Christi omnibus Festis indictis audire Missam , extra omnem est cõtrouersiam , vt videre est *de Consecra. dist. 1. Cap. Missas , & Cap. Omnes Fideles .* In quo Doctores & Canonistæ omnes conueniunt . Ex hoc  
igitur

igitur præcepto obligatio nascitur audiendi Missam diebus festis. Vnde fideles Christiani in Confessione se accusant, si quãdo in die festo Missam audire intermiserint, id quod nequaquã facturi essent, si præceptum nullum extaret Ecclesiæ, cui morẽ gerere sint obligati.

Secundò certum est, hoc præceptum habere vim obligandi sub pœna peccati mortalis ad audiendã Missam singulis diebus festis, non minus ac præceptum ieiunandi, & recitãdi Officij in his, qui recitare id obligantur: ratio hæc est, quòd huius præcepti materia grauis sit, ac ad Dei cultum & honorem pertineat. Et si votum audiendi Missam vna die transgredi, citra legitimam causã, est peccatum mortale, propter obligationem, quam inducit votum: etiã mortale peccatum erit, Missam citra legitimam causam non audire in die festis: non enim minus obligat præceptum Ecclesiæ, quàm obligatio voti. Cui sententiæ communis accedit omniũ Christianorum fide-liũ consensus, qui si quãdo voluntariè, aut per negligentia Missam audire neglexerint, semetipsos de-

huius præcepti violatione in Confessione, ceu de peccato graui & mortali accusare consueuerunt. Fieri tamen interdum potest, vt vel veniale peccatum committant, vel omnino nullum. Verbi g. si quis animum habuerit audiendi Missam, & ex inopinato superueniente aliqua occupatione, per inaduertentiam audiendi Missam tempus & occasionem amittat præter opinionem, hunc certum est non peccare mortaliter, propterea quia voluntariè Missam audire non neglexit.

Tertiò manifestum quoque est, si in die festa alterutrum faciendum sit, nimirum si sit negligenda Missa vel Concio, tum Concionem, & non Missam esse intermittendam. Qua in re errauit Angelus in Summa, verb. Feria, num. 45. vbi dicit, satius esse, neglecta Missa, audire Concionem. Præceptum enim Ecclesiæ extat de audienda Missa, non de audienda Concione... Vera quidem est illius sententia in quibusdam casibus, puta, verbi gratia, si quis in rebus fidei instrui necesse habeat, quò se cõtra hæreticos defendat, idque citra Concio-

nem

nem aut instructionem Doctoris alicuius Catholici fieri non possit, tum, si eodem tempore vel Missa, vel Concio intermittenda sit; quandoquidē vtrumque fieri simul non potest, rectè intermittere Missa potest; non quia satius sit audire Concionem quàm Missam, sed quòd illa causā sufficienter à peccato non auditæ Missæ excusat, quemadmodum aliæ plures causæ, quæ non æquæ, vt hæc, graues sunt ac necessariae.

Hic dubium occurrit tale; Si quis in die festa non audiat Missam, credens bona fide se habere causam sufficientem non audiendi Missam, causa verò sufficiens non sit, peccabitne talis contra præceptum? Caietanus in Sum. verb. Festorum violatio, & Nauarrus cap. 27. hunc ad minimum à mortali peccato excusari existimant. Suarez disput. 88. sect. 1. difficile dicit esse iudicare ac discernere, quādo talis ignorantia inuincibilis dici possit, & vel in totum, vel ex parte excuset. Vnde si talis de causæ sufficientia non nihil dubitauerit, neque alios hac de re consuluerit, habens consulendi commoditatem, non omnino

vacat culpa ; Si verò nihil omnino dubitans , planè sufficientem causam esse existimauerit , & si homo sit non largæ conscientix , sed timens Deum , excusabitur à peccato propter ignorantiam inuincibilem.

Alterum dubiũ est: An circa hoc præceptum audiendi Missam diebus festis Papa dispensare possit? Respondeo, posse: quia præceptum est positivum ; verum nullius usus est talis dispensatio. Dispensare enim, vt, qui Missam comòdè diebus festis audire potest eam non audiat, non tam tendit ad proximæ edificationem , quam ad eiusdem destructionem , cum nihil id aliud esse videatur, quàm hominem à cultu diuino alienare. At si extet iusta & sufficiens causa nõ audiendi Missam, citra dispensationem excusari potest. Vtilis tamen esse queat eiusmodi dispensatio , ad scrupulosum aliquem quietandum.

*Ad quid obliget hoc præceptum: Item, sitne necesse integram audire Missam?*

C A P. XXI.

○ Mnes Doctores affirmât hoc præceptum